

Wien, Österreichische Nationalbibliothek (ÖNB), Cod. 4432

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

2653

H O M I L E T I C I .

2654

Camaldulensi viro utique eruditissimo confundunt. Id unum me retrahit, quin aperte sententiam feram: initium Sermonum a Quetifi pro Antonio Azario Parmensi O. P. allatorum non conspirare cum eo, quod supra dedi; ut enim utrobique idem sit thema: Cum appropinquasset &c. in exemplo tamen Quetifi sequitur: Tempus, quod bodie incipit et durat usque ad adventum Domini &c. Unde saltem constat, Sermones illos non esse eosdem ac nostros. Ad horum calcem legitur, ut dixi: Antonij Parmensis. Et post: Finis adest operis — Anno Domini M^o CCCC^o LII^o sabato post Mauricij et socrorum eius hora 7ma. Confer Cod. DCXCVI.

DCXCV.

241

Codex chartaceus lat. Sec. XV. Folior. 316. f. absque inscriptione continet F. Jordani Quedlinburgensis dicti de Saxonia O. FF. Eremit. S. Aug. lectoris in conventu Magdeburgensi, Scriptoris Sec. XIV. Postilla in Evangelia dominicalia, et quidem a II. Parte III. Partis usque ad finem. Est vero Opus universum divisum in IV. Partes, quarum I. ab Adventu ad Dom. I. post Octav. Epiphaniae. II. ad Passionis Dominicam. III. ad Octav. Pentecostes. IV. ad Adventum pertingit, ut patet ex editione Argentinensi 1483. f. Itaque Codex noster aliquanto minus dimidio complectitur. Initium ejus est: Expedita prima parte tercie partis que fuit de christi pas-

sione sequitur secunda pars eiusdem que tractat de eius resurrectione &c. Ex hoc prooemio de Autoris aetate statui potest; ait enim: venerabilem magistrum meum, sub quo, quidquid scire videar, in magna parte studendo profeci, qui tam in lectoratu quam baculariu, quam eciam magisterio suo adepto precipuus doctor meus extitit, magistrum videlicet Albertum de padua recolende memorie in postillando bacchanus secutus fueram &c.. Atqui Albertus hic annum 1323. vel 28. extremum habuit. Vide Ossingeri Bibl. August. p. 668. qui p. 800. inter Jordani magistros etiam Albertum nominare debuisset, ut ex dictis patet. Pars IV. in Cod. nostro finitur: Quo nos perducere dignetur deus deorum Qui viuit et regnat per infinita secula seculorum Amen. Subscriptio miniata: Explicit secunda (si de Tomo intelligas) Pars Jordani per Estatem Scriptum et completum per me Conradum Brampach de Erfordia tunc temporis moram trabentem cum honorabili viro domino Conrado Huter perpetuo vicario in Ebenheim superiori (in Alsacia infer.) Sub anno domini Millesimo Quadragesimo quarto ipso die sancti Florencij Episcopi Argentinien:

DCXCVI.

Codex chartaceus lat. Sec. 262 XV. Folior. 106. f. currente calamo per duas columnas exaratus continet: I. Postilla in Evangelia Dominicarum totius Anni incipiendo a Dom. I. Adventus usque ad